



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

26 Festorum dierum celebratio cum omni veneratione debet observari, &
contrafacentes sunt poenis plectendi.

urn:nbn:de:hbz:466:1-10316

Christi studio Hierosolymis, demum in Cypro penes Reges servatus fuit hic inæstimabilis thesaurus pretiosissimo sanguine Christi conspersus, sed, ubi cœpit ira Dei excandescere, & immanitati Turcarum regna illa exponenda permisit, sacratissimæ syndonis Deus non oblitus, ne impiorum manibus aliquando pollueretur, sub piissimorum Sabauidæ Ducum tutelam eam migrare voluisse videtur, sub qua primò Camberij Allobrogum, Ducatus Sabauidæ insigni oppido, nunc autem jam à pluribus annis in pedemontana Provincia, & Taurinensi civitate eorundem Ducum regia piissime asservatur. Mag. Cypriantius Überti in op. de cru. lib. 3. fol. 186. & Jacob. Crot. de cruc. Chris. lib. 1. cap. 58. in princip. si quis autem miraculorum, quæ Deus sacram hujusmodi syndonem invisentibus, & adorantibus aperte dignatus est, notitiam habere velit, videat Majol. eodem cap. 4. & Paleot. d. cap. 2. post princ. & quia tetigit corpus domini, quod fuit verbo divino conjunctum, & illius sanguine est conspersa, sanguisque non fuit à verbo divino seperatus, & divisus; propterea eidem sanguini cultus ²⁵ † Latria debetur. S. Thom. 3. par. quæst. 25. artic. 4. ad. 2. Azor. in 1. par. instit. moral. lib. 9. cap. 5. versic. 8. queritur, & Paleot. in ead. explicat. cap. 7. post. med.

Quarto, ordinaria auctoritate tenentur etiam Episcopi curare ut die tum ²⁶ festorum celebratio ad Dei cultum maximè pertinens, & que in lege divina præcipitur cum omni veneratione obseretur, omnes enim dies Dominici, & alij item plures præcipue in honorem Dei, & Beatae Mariæ Virginis, Apostolorum, & aliorum

Sanctorum de præcepto sunt servandi, si-
cut alij item, qui juxta laudabilem loco-
rum consuetudinem solemniter celebrari
consueverunt. Hujusmodi autem diebus ab omni illicito, & servili opere est absti-
nendum, mercatus, fora, profanæ negotia-
tiones, & judiciorum strepitus debent cel-
fare. Qui autem festi dies non sunt de præ-
cepto Ecclesiæ, sed de consuetudine, se-
cundum consuetudinem loci sunt servan-
di, cap. quoniam, de fer.

Judiciorum autem strepitus † omnibus
ferijs in honorem Dei indictis quiescere
debent, quibus non potest renunciari, nec
processus, minusque sententia valebit, nisi
necessitas urgeat, vel pietas suadeat, cap.
final. & ibi Abb. numer. 1, 2, 3, & 9, de fer.
favore tamen hominum introductis, ut
messium, vel vindemiarum, de partium
consensu renunciare potest, ut d. cap. final.
in fin. ead. tit.

Quod autem dies festivi in honorem
Dei sint feriati, probatur in cap. 1. de con-
secrat. dist. 3, & d. c. fin. de fer.

Juramenta enim dictis diebus admitti
non debent, neque sententiae ad pœnam
sanguinis ferri, neque sacramenta præstari,
nisi pro pace, vel alia necessitate, c. 1. eod. tit.

† At dies festos operibus servilibus, seu
vititis violantes multatare, & pœnis
afficere est in isti fori, ita ut inter iudicem
Ecclesiasticum, & secularem sit locus
præventioni. Pius V. in Bull. confit. §. 5.
cum verò, ver. in alijs autem. In Regno
tamen Neapolitano, ex antiqua juris
dispositione, & capitulorum ejusdem
regni, & immemorabilis consuetudinis, ad
forum Ecclesiasticum tantummodo spe-
ctat, & in eodem regno dicta constitutio,
hoc casu in foro seculari non attenditur.

Prout